



Long kantri ol i kolim Malaysia, ol tu i kirapim wanpela plantasin bilong ol palmen i gat wel. Hia wanpela man bilong Malaysia i planim wanpela yangpela kru bilong palmen i gat wel.

WANTOK I WINIM NAMBA WAN YIA PINIS

Long yia i go pinis mipela i bin prinim: 107,000 niuspepa olgeta, 253,330 tok long tok pisin, 35,060 tok long tok inglis, 364 pes i gat tok, 339 poto, 15,000 kalenda.

Mipela i kisim pinis 486 pas i kam long edita.

Mipela i prinim piksa stori long: Yunaitet Nensens Ripot, Kain kain

wok, Guria long Madang, Wokabaut antap long mun, Pop i kam long Australia, Ol Skaut, Kam bek long Wewak, Stori bilong Kago, Bougainville Yangpela Fama, Pasin bilong salim tok, Selek Komiti.

Long olgeta pepa i gat: Nius bilong New Guinea, World News Yangpela Kristen (YC) Bisnis, Helt, Kaunsil Nius.

NUPELA BISNIS LONG PALMEN I GAT WEL

Long mun Julai, minista bilong ol teritori, Mista C.E. Barnes, i kam long Cape Hoskins long Nu Briten bilong opim wanpela nupela faktori bilong kisim wel i stap insait long pikinini bilong wanpela diwai ol i kolim palmen i gat wel.

Longtaim moa ol i redim ol gaden na planim dispela ol diwai, nau ol i stat long karim pikinini, na olsem faktori i ken kirapim wok bilong en. Planti famili moa i lusim ples bilong ol long sampela hap bilong Teritori na i kam long Hoskins, na sindaun long hap graun gavman i bin tilim long ol. Bihain long tupela yia bai i gat 1500 man i kisim hap graun hia long Hoskins bilong insait long dispela nupela wok. Long 1973 bai i gat samting olsem 19,000 eka ol i planim pinis long ol palmen i gat wel.

Nu Briten Wel Palmen Developmen Kampani i bin kirapim dispela wok long yia 1967. Gavman i putim hap mani insait long dispela wok na wanpela narapela kampani, nem

bilong em Harrisons and Crosfield Ltd., i putim narapela hap na i bosim wok. Wanpela wanpela bosman tasol i waitman; ol arapela i bilong Papua New Guinea tasol.

I gat pipel bilong planti hap bilong Papua New Guinea i kan sindaun hia long Hoskins. Sampela bilong Sepik, bilong Isten na Westen Hailans, Morobe, Madang, Chimbu, Sentral na Milne Bay Distrik. Na tu sampela i kam long Nu Briten stret.

Wantaim long planim na lukautim ol palmen i gat wel, ol man i skul tu long planim olkain samting bilong mekim mani i kamap long han bilong ol. Ol i save planim ti na pairitrum na kasang; na ol i mekim wok bulmakau tu.



Em hia wanpela gaden o hap graun bilong wanpela fama i stap long Cape Hoskins.

Wanpela Meri Tasol

Dia Edita.- Mi lukim wanpela trabel i stap insait long Niugini.

Wanpela rong pasin tru i stap long Mt. Hagen, Wabag, Chimbu, Goroka na sampela arapela hap tu.

Long Papua, Wewak, Rabaul, Madang, na planti hap bilong nambis, mi no save ol i gat wanem kain pasin bilong marit.

Ol man i maritim 2,3,4 5-pela meri olgeta. Plis dispela pasin i no stret long kantri bilong yumi.

Olsem wanem long ol waitman? Yupela ol waitman ol i maritim wanpela meri tasol. Yupela i givim planti lo long mipela. Tasol pasin bilong marit yupela ol waitman

i no strong long mekim lo. Kalabusim ol man i maritim 2 o 3 meri.

As bilong rong ol kaunsil i maritim planti meri na ol komiti tu. Plis ol waitman yupela i stapim dispela pasin bilong maritim planti meri. Planti trabel i stap long lo bilong misin na long lo bilong gavman tu. Nau mi laik ol man long Haus Asembli i mekim dispela lo. Na ol kaunsil miting tu i putim dispela lo. Bambang mipela i sindaun gut wantaim wanpela meri tasol.

William Dui
Kuruk (Mt. Hagen)

Wisil Long Ol Meri

Dia Edita.-Bilong wanem yumi save wisil long ol meri, taim yumi lukim ol long rot? Planti bilong yumi taim yumi ron long ka na lukim ol meri, yumi save wisil na mekim olkain pasin i no stret.

Mi ting dispela pasin i no stret. Ol mama bilong yumi na ol susa bilong yumi, ol tu ol i meri.

Na bilong wanem sapos yumi laik singaut na wisil na mekim kain kain pasin long ol arapela meri? Yumi no mekim wan-kain pasin olsem long ol mama na susa bilong yumi. Sapos yumi no save mekim dispela kain hambak pasin long ol mama na susa, bilong wanem yumi ken mekim olsem long ol arapela meri? Ating mobeta yumi no mas mekim kain pasin olsem.

Sapos yumi mekim olsem long ol meri na bihain yumi bungim ol long rot long arapela taim, na yumi tok, gutnait o gut apinun o gut moning. Na sapos ol meri i no bekim tok, orait yumi no mas belhat na tok, dispela

ol meri i no save bekim tok. Nogat em i asua bilong yumi yet. Sapos yumi no singaut na wisil long ol bambai ol tu i save bekim tok bilong yumi.

Planti taim yumi wisil na mekim kain pasin olsem. Ol meri tarangu ol i no save bekim tok bilong yumi. Yumi save mekim ol i sem nogut tru, na dispela pasin i no stret.

Sapos ol meri yumi save long ol, yumi ken singaut long ol. Olsem yumi amamas long lukim ol. Tasol ol meri yumi no save long ol, bilong wanem yumi save wisil na singaut? Yumi i gat wanem kain tingting?

Ol brata, sapos yumi no gat meri long graun, sapos yumi no gat mama, yumi i no inap kamap long dispela graun. Na bambai yumi no inap long wisil na singaut long ol meri. Olsem mi laik tok yumi mas mekim gut long ol meri.

Matthew Susit
Madang

Helpim Ol Nes

Dia Edita.- Mi laik bekim toktok bilong tupela susa hia Rose.K. na Thecla.H.M i harim toktok bilong wantok Nimbo bilong Bulolo na i no stret long tingting bilong mi. Yes, wantok, yu tok long nes bilong Angau Memorial haus sik i save pamuk long taun. Yu tok olsem na mi sem tru, long wanem yu bagarapim nem bilong Angau Memorial haus sik. Yes, wantok Nimbo, haus sik em olsem woksap bilong yumi ol man hia. Man yu sik o pundaun long ka, em bai yu go we? Bai yu go long haus sik tasol.

Yes, wantok Nimbo, long haus sik ol nes i stap olsem ol mama bilong yumi. Ol bai i was

long yu, Nimbo, givim yu marasin, klinim yu. Na wantok, bilong wanem na yu toktok long ol nes long Angau? Ating ol i no givim yu marasin o yu traim ol na ol i no laik long yu? Olsem na yu jelles long ol na yu rait olsem.

Yes, wantok Nimbo, tingting gut pastaim na bihain mekim samting, laka? Long hap bilong mi long Madang long Modilon haus sik mi save lukim ol nes ol i save wokabaut wantaim pren bilong ol. Mipela i no save tok. Yes, wantok Nimbo, sapos yu gat wari, orait bekim pas bilong mi.

John Poakila,
Madang

Pulim Tang

Dia Edita.-Mi laik toktok liklik long wanpela samting i no stret liklik long ai bilong mi. Mi lukim planti yangpela meri ol i save pulim tang, long taim ol i lukim ol yangpela boi. Dispela i no mi wanpela tasol lukim, nogat.

Planti man meri bilong olgeta ples ol i save lukim dispela pasin bilong pulim tang. Pasin bilong pulim tang i gat planti as i stap long pulim tang. Em i gutpela long pulim tang na mekim

pani long man i ken lukim na lap long en. Tasol sampela pulim tang bilong paulim man tasol. Sapos ol i pulim tang olsem, bai kantri bilong yumi i no inap kisim selp gavman. Bilong wanem? Dispela kain pasin i save brukim lo bilong gavman na misin.

Mi laik bai ol Wantok i ken ritim dispela tok bilong mi. Ol meri traim na isi liklik long pulim tang.

Seth-Ni-Robin
Wapenamanda

Nupela Nem

Dia Edita.- Mi tu mi tingting planti long wanpela nem bilong kantri bilong yumi. Yes, H. Belle(Wantok namba 19)na yupela ol pren bilong Niugini, Papua, Nu Briten, Nu Ailan, Manus, na Buka. Yupela tingting long dispela aidia bilong mi. Dispela nem Niugini em i wanem samting? Yu lukim mep na yu ken save. Niugini em i nem bilong wanpela bikpela ailan tasol. Ol inglis ol i kolim New Guinea. Ol Frans i kolim Nouvelle Guinee. Ol Itali i kolim Nuova Guinea na olsem.

Tasol insait long kantri bilong yumi hia i gat planti narapela ailan i stap long bikpela solwara bilong yumi. Na wanpela wanpela i gat

nem bilong em yet. Nu Briten, Nu Ailan, Manus,Na sapos yumi laik joinim ol dispela ailan i kamap wan kantri yumi mas painim arapela nem i ken i stap olsem mama bilong ol wantaim.

Yu lukim olsem Indonesia. Insait long em i gat planti ailan: Sumatra, Java, Bali Celebes. ... Tasol nem Indonesia i bungim ol wantaim. Na pipel na tok ples bilong ol, ol i save kolim Indonesian.

Na ol pipel na tok ples bilong dispela hap bilong yumi ol i save kolim Melanesian. Orait yu no moa tingim arapela nem. Nem bilong dispela nupela kantri bilong yumi em Melanesia tasol.

E.N. Teglia.
Aitape

Misin No ken Grisim Ol Pipel

Dia Edita.- Yes, nau mi laik autim tingting bilong mi i go long ol misinari i save kamap long Niugini. Mi ting i gutpela moa long ol misin i no ken go insait long ol arapela hap i gat arapela misin i bin kisim ples bipo. Sapos misin Luteran i bin kisim wanpela hap pinis, orait misin Katolik na

Sevende o Jehova i no ken go na grisim ol pipel i gat misin pinis.

Dispela pasin tasol bai i bagarapim bilip bilong ol pipel.

Sapos yu wanem misin i kamap bihain long Niugini, orait traim na taitim bun na go insait long bus bihain long ol maunten na yu ken painim sampela ol wantok ol i

stap nating bai yu ken helpim ol. Yu no ken kam raun tasol grisim ol arapela lain Kristen.

Na plis tru, yupela ol hetmisiin, yupela mas tok strong long ol wokman bilong yupela long askim ol man taim ol i laik mekim prea o ritim sampela gutpela stori o givim buk long ol, sapos ol i fri tru long ol arapela misin. Sapos yes, orait yu ken givim ol dispela kain samting long ol. Sapos nogat, plis yu no ken grisim ol moa.

Mi ting olgeta misin i bringim gutnius bilong wanpela God Tasol na wanpela Jisas tasol.

Mich U. Serero
Sarang, Madang

Wankain Man Wankain Lo

Dia Edita.- Mi wanpela sumatin hia long Fatima High School na mi lukim sampela samting gavman i mekim i no stret.

Mi no ting i stret long gavman i kalabusim ol man bilong Niugini olsem 2 yia o 3 yia taim ol i paulim ol Misis. Ol i no kilim wanpela man o meri. Olsem wanem long gavman i no kalabusim ol masta taim ol i paulim ol netiv maritmeri na yangpela meri taim ol i no laik na ol masta i paulim ol nabaut long ol ka? Gavman i helpim ol masta o lo i tok olsem?

Mi ting ol meri i wankain na man tu i wankain. Maski sapos ol i Yuropan o Netiv o Sainis. Mipela i wanpela pipel. Olgeta lo na samting i mas wok long olgeta pipel, maski long wanem kantri yu kam, mipela i wanpela pipel.

Olsem wanem samting bilong ol Misis i strong olsem gol o mani? Nogat. Em i wankain na tu ol masta i no impoten, mipela i wankain tasol.

Anthony Klanju
- Banz

Putim Moni

Dia Edita.- Mi laik autim tingting bilong mi bai olgeta pipel i ken ritim. Plis ol brata na wantok, yupela i baim ka na trak i namba wan tru. Bisnis bilong ka na trak i namba wan tru. Yupela wok wantaim waitman o kisim P.M.V. em i gutpela. Yupela i kisim mani, yupela mas holim. Maski go na dring.

Bihain ka i bagarap yupela i kisim i kam

long woksap na fiksime. Bihain ol i tok long mani long kisim bek ka. Yupela i kam na tok, plis mi no gat mani. Mi gat hap mani tasol. Na ka i stap inap wan mun o tu mun. Em i nogut. Traim na putim gut sampela mani na kam kisim stret ka bilong yu.

William Walua
Mt Hagen

Olgeta Meri Wankain

Dia Edita.- O yes, mi wanpela meri bilong Talasea, mi wok wantaim ol sister long Bitokara. Mi laik save long laik bilong tupela man bilong Kombe i wok long CRA long Panguna.

Tupela i laik maritim meri Bakovi long wanem ol meri Bakovi ol i klin. Mipela olgeta meri raun long Papua Niugini i wan-

kain tasol. Olsem long ol waitskin tu, i no gat samting bai i senis long ol meri. Olgeta i wankain tasol. Na insait long mi, mi ting i no stret liklik. Ating tupela i no tingting; tupela i yusim tasol dispela toktok. Em tasol.

Humbertine Nuli
Bitokara, Nu Briten

Niugini Nius

YU LAIK SKUL TRU

Dinau Mani Mekim Go Het

Long Niugini Ailan, long yia 1970 inap 1971. Papua New Guinea Development Beng i dinau 789 taim inap \$682,000 Hetman bilong Development Beng Ofis long Rabaul, Mista J.B. Moye, i tok ol dispela mani hia i bilong mekim go het ol wok bilong kakau, na ol kokonat plantasin, na ol ka samting bilong karim kago. Na tu bilong kirapim wok bulmakau. Mista Moye i tok dinau long wok bulmakau ol i givim i go long 8-pela man long Nu Ailan na Bougainville Distrik.



Em hia Ignatius Toni bilong Aitape i ranim wampela masin long St. Joseph Tret Skul long Wirui. Em i winim tupela yia pinis olsem mekanik.

Yu laik skul tru long mekanik o kamda? Sampela kampani i redi long givim wok long ol man i winim kain kos olsem long St. Joseph Tret Skul long Wirui. Bihain yu winim wan yia long kos, yu ken go het moa olsem aprentis, o yu ken go stret long wok. Wok i wetim yu nau tasol. Bilong kam long skul yu mas pinisim Fom 4. Sapos yu laik kam, orait, yu salim pas i kam long Brother Stephen, Katolik Misin, Wewak.

Draipela Si Kam Sua

Inap nau i no gat wampela guria inap long dispela i bin mekim save long Rabaul na Nu Ailan long wik i go pinis. Graun i karamapim rot i go long Kokopo. Ol bris bilong sip i surik inap tu fit. Long Nu Ailan wampela draipela si inap long rup bilong haus i kam sua na ol man i lukim sampela tang wara i go long solwara.



Sampela man bilong Yangoru i stap antap long maunten Hurun long taim ol i rausim tupela arapela ston. Long de namba 7 long mun Julai Matias Atiwan wantaim bikpela lain bilong em i bin rausim tupela ston. Long de namba 12 long mun Julai wampela man bilong Papua, nem bilong em Peter Koe, na lain bilong em i rausim tupela arapela ston nau yu lukim i stap long piksa. Peter Koe i tok man bilong Papua i mas rausim ston olsem bai Papua na New Guinea i kamap wampela kantri.

OL NES WINIM SKUL

Long mun Julai i gat wampela bikpela de bilong ol yangpela meri i trening olsem nes, long kisim setifiket long gutpela wok bilong ol.

Long St. Mary's Haus sik long Vunapope, Mis Christine Malakaur bilong Nu Ailan i kisim hai mak long ol wok bilong en. Em i namba 6 taim nau olgeta nes long dispela

skul i kisim ol mak antap tru.

Long Rabaul Skul ov Nening 18 meri i kisim setifiket bilong ol. Mis Clara Sorou Monum bilong Manus i kisim hai mak long ol arapela. Na i gat 4-pela yangpela man tu i kisim setifiket. Mista Andrew Ite bilong Goroka i namba wan long Teritori long pasin bilong stapim olkain sik.


Long Lutheran Skul ov Nening long Yakaum klostu long Madang i gat tripela pipel i kisim prais. Mis Wilson Waesa i kisim wampela prais ol i kolim Dr. Symes Prize.

Em i antap tru long olgeta studen long ol wok. Makit Pipoi bilong Madang i kisim tu prais i soim olsem em i win tru long olgeta wok nes bi-

long en. Stephen Man bilong Mt. Hagen i kisim prais long bikpela save bilong em.

Long wewak Skul ov Nening, Len Kisakui i kepten bilong ol nes na i winim prais ol i kolim Matron Purcell Prize. Martha Siles i kisim prais long ol gutpela wok tru insait long wampela yia.

OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wanpela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

INSAIT LONG OL POLITIK

(I KAM LONG NEW GUINEA NEWS SERVICE)

OL BEK I SOT

Long planti kantri bilong graun tude ol man i pait. Sampela taim tupela kantri yet i pait. Sampela taim tupela lain insait long kantri i pait wantaim.

Yumi Papua New Guinea, yumi save pilim dispela pait bilong longwe ples tu? Yes. Nau mi laik stori long yu long pait bilong Pakistan na olsem wanem dispela pait yet i nogutim yumi yet.

Yumi olgeta i harim pinis planti tausén man indai pinis long Pakistan long wanpela sik nogut. Ating planti bilong yumi i bin salim mani bilong helpim ol dispela tarangu man. Dispela sik i kamap long pait tasol. Ol man bilong Pakistan i ranawe i go long India, na ol i kisim sik long rot.

Orait, nau yu laik save olsem wanem dispela sik bilong ol man bilong Pakistan i mekim nogut long yumi. Olsem tasol. Yumi man bilong Papua New Guinea, yumi gat planti plantasin bilong kopra na kakau na kopi. Olsem tasol mani i save kamap long han bilong yumi. Orait, bilong dispela wok yumi mas gat bek, bek bilong pulimapim ol kopi na kopra na kakau. Kain bek olsem ol i save wokim long kantri Pakistan. Nau ol i pait; ol i lusim ol gaden bilong ol, na ol dispela liklik tri i save karim string bilong wokim bek i no kamap. Olsem na ol faktori i no inap wokim bek.

Yumi Gat Trabel

Yumi long New Guinea, yumi sot long bek. Bai yumi ken gat trabel. Bai yumi gat kopi na kakau na kopra - tasol yumi no inap salim i go, long wanem i no gat bek.

Long Rabaul Asosiesen bilong ol man i salim kopra na kakau i bel hevi tru. Ol i no inap baim sampela bek moa long India na long Pakistan. Olsem wanem bai yumi salim ol kopra samting i go? Sapos yumi no inap, bai ol dispela samting i sting i stap... na mani i no ken kamap long han bilong yumi. Ol bisnisman i wari moa long dispela samting.

Binisman I Wari

Long Hailans tu ol i sot long bek. Long Mt. Hagen ol man bilong baim kopi bilong Hagen Coffee Holdings Pty. Ltd. i tok bakstua bilong ol i pulap long kopi...tasol i no gat bek. Nau tasol em i ken yusim 500 bek; tasol i no gat. Na prais bilong bek i go antap moa moa.

Dispela faktori bilong Mt. Hagen i no raun planti bilong baim kopi bilong ol lokal pipel. Mobeta kopi i stap long tri bilong en yet, inap long bek i ken kamap. Tasol ol lokal pipel bai kisim mani we? Kopi em i namba wan samting bilong bringim mani i kam long ol Hailans pipel. Na tu ol man i wok long ol kopi plantasin bai i no gat wok. Sapos i no gat bek, mobeta yumi no bungim kopi. Ol wokboi bai i kisim wok we?

Olsem tasol yumi Papua New Guinea i no gat bek, bai planti man i no gat mani, planti bai i hangre... long wanem ol i bin lusim gaden bilong ol na wok kopi tasol.

Olsem tasol yumi ken lukim, olsem wanem wanpela kantri i ken bagarap long trabel bilong narapela kantri yet. Long


graun yumi olgeta i wan samting. Wanpela kantri i olsem pilo bilong narapela kantri. Wanpela kantri i hangamap long narapela. Yumi olsem wanpela bikpela famili tasol. Yumi olsem wanpela bodi tasol. Sapos wanpela hap i karim pen, orait bodi olgeta i pilim tru.



Ol meri na man bilong Goroka i bungim kopi. Tasol ol tu i wari, i no gat bek bilong pulimapim kopi.



Olsem wanem yumi ken mekim dispela wok sapos i no gat bek? Bai yumi karim ol kopi, kopra samting olsem wanem?





WIL BALUS BILONG

ANSETT

YU LAIK FLAI LONG WANEM HAP
ANSETT I HEPI LONG KARIM YU I GO


Ansett I Gat Olkain Balus
Smok Balus Tri Ensin Tu Ensin Wan Ensin




We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

ANSETT AIRLINES OF PAPUA NEW GUINEA
in conjunction with Ansett Airlines of Australia.


OLSEM WANEM MIPI




Namba wan samting: niuspepa i mas painim wanpela stori o sampela nius. Hia ripota bilong mipela i kisim stori long wanpela man.



Nau ripota i mas sindaun raitim stori em harim pinis. Em i mas raitim klia tru, bai olgeta man inap long ritim.




Nau wanpela man i kisim nem bilong stori na wokim ol bikpela leta bilong en long wanpela masin.



Nau ol i potoim olgeta hap pepa ol i bin raitim tok antap long ol pinis.



Nau ol i putim dispela poto i go long wanpela hap kapa. Olgeta tok na piksa nau i kamap long dispela hap kapa.





Dispela masin em i prinim tru niuspepa. Wanpela rola i kisim sampela ing, i krungutim long kapa i gat poto, nau kapa i putim piksa na tok i go long niuspepa stret. Olsem tasol tok i kamap long pepa.

I WOKIM NIUSPEPA




Nau sampela meri i save paitim taipraitia i itim gen olgeta tok na lainim bai tupela arere kamap wankain. Olsem em i kamap nais tru.

Nau stori i kam bek long ripota na em i glasin gut, nogut tupela meri i no paitim gut long masin. Ol samting i orait, nau em i painim wanpela hap ples long wanpela pes bilong niuspepa bilong putim dispela stori.



Nau ol i wasim bikpela poto ol i kisim pinis.

Bihain ol i wasim ol poto bilong tok na piksa nam nem pinis, nau ol i lainim ol dispela poto, bai wanpela pes bilong niuspepa i kamap.



Bihain masin i prinim 16 pes bilong WANTOK pinis, mipela mas bungim olgeta pas na bungim samel, bai niuspepa tru i kamap. Dispela masin ia i gat planti han na pinga long en, i save nekim ol dispela wok.

Orait, nau tasol niuspepa WANTOK i redi pinis. Nau em i flai i go long olgeta hap bilong Papua New Guinea na planti tausen pipel i ritim em.

YANGPELA FAMA I KIRAPIM K LAP PINIS



Hia yu lukim ol haikul meri bilong Kumdi i hepi moa long wok long gaden bilong ol. Em i gutpela eksampel long ol yangpela fama. I smat moa.

Nau ol klap bilong ol yangpela fama i stat tru. Namba wan miting bilong ol i kirap long St. Patrick's Agricultural School long Mabri, Bougainville. Hia ol boi bilong dispela skul didiman i amamas tru long kibung bilong ol. Wanpela wanpela i tokim ol arapela long liklik wok bilong em yet. Ol tu i redi long bikpela so ol i laik mekim long Septemba. Ol i laik kibung olgeta mun. Bihain

tu bai ol i putim olgeta tingting na toktok bilong ol i go long niuspepa bilong ol yet, ol i kolim "Bougainville Fama".


Namba tu miting bilong Klap bilong ol Yangpela Fama ol i mekim long Passam klostu long Wewak. Hia ol i gat tupela kain klap: wanpela bilong ol sumatin na nara-pela bilong ol yangpela manmeri i stap long ples. Samting olsem 60 sumatin i bin kam long dispela miting na het tisa bilong skul, Mista Peter Burke, i tokim ol long tingting bilong em long tisim olkain-pasin bilong kamapim gutpela pik, planti pis long wara, na planti kain nupela kikai long gaden.

Ol klap bilong ples bai i gat 60 memba samting. Ol i kam long 6-pela ples. Em ol yangpela manmeri i lusim skul pinis tasol i no gat 25 krismas yet. Bai ol i miting olgeta mun.

Ol i askim ol papamama na ol kaunsila na ol i orait tru long kain klap olsem. Na olgeta ples i makim wanpela bikpela man na meri bilong helpim ol dispela lain yangpela fama long wok bilong ol long ples. Ol memba hia i mas redi long lukautim ol pik, na paul, na bulmakau; na ol meri i mas lainim pasin bilong ranim masin bilong samap. Ol i mas mekim nais tru ples bilong ol. Bihain bai ol i skul tu long olkain samting olsem pasin bilong paitim gita, na ranim bisnis, na kisim nius bilong olgeta arapela kantri.

I gat wanpela naispela buk i kam long India. Nem bilong em: "How to Organize Young Farmer Clubs" - i olsem ol lo bilong kirapim wanpela klap bilong ol yangpela fama. Sapos yu laik kisim wanpela, orait yu rait long: Miss M. Fitzgerald, C.M. Wewak.

Saun bilong **SANYO** gutpela tumas



Sanyo I ken mekim yu makim draipela redio, stat long 8 transista i go kamap draipela samting tru em inap long kisim stesin long we. **Wonem kain samting yu laikem long harim, Sanyo i gat.**

Soim istap antap emi piksa bilong 11XA853. Emi namba wan 10 transista redio bilong harim tok long olgeta graun. Long han rait emi 8 transista redio ino hevi na isi gutpela redio em bai klia saun sapos yu kisim long we stesin.

**LUKIM SANYO
ISTAP LONG STUA
LONG HAP BILONG YU**



BRECKWOLDT & CO. (N.G.) PTY. LTD.

Port Moresby,
Box 1549,
Boroko.

Madang,
Box 185.



Lae,
Box 557.

Rabaul,
Box 222.


Mt Hagen,
Box 237.

Wewak,
Box 178.

Kieta,
Box 72



Paskal Idok bilong Rakunai Viles klostu long Rabaul i kisim namba bilong Seken Leptenan. Em i namba wan taim wanpela New Guinean i kisim dispela mak. Leptenan Idok i winim 3-pela yia pinis long Yunivesiti.



Kopral R. Raplaen bilong Rabaul i klinim raifel bilong em insait long wanpela haus sel, taim em i patrol wantaim ol soldia bilong 2 PIR bilong Wewak.

Saiden A. Hema i kisim Kokoda prais long han bilong namba wan bilong ami, Brigadia Elridge. Saiden hia i bosim lain i winim prais long Goldie Riva long Port Moresby. Saiden Hema i stap 17 yia pinis long ami. Em i bilong Wutung, klostu long arere bilong Wes Irian.



EVERYONE SHOULD WASH EVERY DAY WITH LUX TOILET SOAP.

WASH YOUR FACE WITH LUX. FEEL ITS LOVELY CLEANING LATHER.

WASH YOUR WHOLE BODY WITH LUX. IT QUICKLY WASHES AWAY DIRT AND GERMS AND LEAVES YOUR SKIN CLEAN.

AND FEELING FRESH AND NICE SMELLING

LUX IS THE BEST SOAP FOR ALL THE FAMILY.

STAY CLEAN AND FRESH WASH EVERY DAY WITH LUX TOILET SOAP. BUY LUX TODAY.

EZ1085

MIPELA BILONG NAMASU!



MI WAREO—Mi bin lukautim bank bilong NAMASU long 10-pela yia.
MI KATE—Mi save paitim mesin long NAMASU opis.
MI CHIMBU—Mi namba tri yia "Klerikal Agerentis." Mi skul olgeta long bisnis.
MI AUSTRALIA—Mi save raun long lukautim olgeta stoa bilong NAMASU.
MI SALAMAUA—Mi Kepten bilong sip. Mi bin wok wantaim NAMASU long 10-pela yia tu.

ATING YU TU LAIK WOK WANTAIM



KRISTEN PRES i wokim kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim dispela buk:

Pasin Bilong Kristen Mama

Em i soim wok bilong ol mama long lukautim haus na kaikai na klinpasin na pilai bilong ol pikinini na gutpela rot bilong prea na song na amamas.

Salim oda i go long:



KRISTEN PRES

Sales Division
The Christian Book Centre
Box 222, Madang

Long Kaiapit 14 tisa i kisim setifiket o pepa long soim ol i save tumas long skulim 700 Atzera pipel long pasin bilong rit na rait. Ol i skul long Sama Institut ov Linguistik, as ples bilong ol man i save tumas long lainim olkain tok ples. Hia long piksa Mista Timmi Umpia i kisim setifiket long han bilong Miss Dorothy Price, het tisa.

WANTOK - Trinde, Julai 21, - Pes 12

helpim bisnis bilong yu

Bikpela Kampani Tru

Las taim yumi rait pinis long ol smolpela kampani inap wanpela famili o wanpela viles i ken ranim. Nau yumi laik toktok long ol bikpela kampani tru, olsem Bougainville Mining Kampani.

I no longtaim i go pinis planti man na lain man bilong New Guinea i bin baim planti sea long Bougainville Mining Kampani. Las taim yumi bin soim olsem wanem wanpela sea em i olsem wanpela liklik hap bilong kampani. Sapos wanpela liklik hap bilong kampani. Sapos wanpela hap i baim sea, i olsem em i papa bilong kampani.

Long bikpela kampani tru i gat planti tausent manmeri i baim sea pinis. Ol yet i vot na makim wanpela lain direkta bilong bosim kampani. Ol yet i ranim kampani long nem bilong ol man i baim sea pinis.


Sapos kampani i ran gut, bai planti man moa i laik baim sea ...na olsem prais bilong ol sea i go antap. Sapos yu baim wanpela sea long \$1.00 taim kampani i

liklik yet...na bihain em i go bikpela, nau wanpela sea i kostim \$5.00. Orait, yu ken salim ol sea bilong yu, na winim \$4.00 moa long wanpela wanpela sea.

Na taim kampani i mekim gutpela wok na i winim mani, orait em i save tilim dispela mani tu long ol man i baim sea pinis. Olsem tu, sea bilong yu i go antap gen ... long wanem profit, o winmani i kamap long han bilong yu. Bipo yu baim sea long \$1.00. Bihain long tu yia em nau inap long \$1.00.

Olsem tasol dispela pasin bilong baim sea long ol bikpela kampani long ol bikpela kampani em i gutpela samting tru. Em i helpim kampani i mekim bikpela wok, na em i bekim gut long yu tu. Dispela kain pasin i ken mekim Papua New Guinea i kamap bikpela na planti mani i ken kamap isi long han bilong ol man.

Planti nupela kantri i kamap bikpela hariap tru bikos ol bikpela kampani wok. Smolpela kampani i no inap.





world news

police hunt killer

North England: Police in northern England are hunting a killer who murdered and cut up three French tourists in a forest camp site this week.

The murders of two sisters and their male companion has started a huge police search in the area.

attempt to kill moroccan king

Rabat: King Hussan 11 of Morocco managed to escape unharmed recently when a group of army officers tried to kill him while he was celebrating his 42nd birth-

day.

The Belgian ambassador Mr. Marcel Dupret, five Moroccan army officers and several others were killed in the attempt at the king's summer palace 10 miles south of Rabat, the Moroccan capital.

The King was held prisoner in the palace for two and half hours.

space deaths

Moscow: The three Russian astronauts who died mysteriously a few weeks ago in their space craft Soyuz 11, spent their last few minutes without any air in the capsule.

The spacecraft's seal which kept in oxygen popped out on the way back to earth.

The astronauts were in space for a record time.



This cyclist rides his bike in rather an unusual way as the photo shows. But he is known as a stunt man which means he performs tricks on his bicycle for his living. The stunt man whose name is Coin Coin (it is French meaning little duck) can ride his unusual bicycle across cars and the sides of bridges.


<p>OMO WASHES BRIGHT AS NEW! PUT SOME BLUE OMO INTO A BOWL</p>	<p>OF HOT OR COLD WATER AND STIR</p>	<p>WASH YOUR CLOTHES IN OMO'S POWERFUL LATHER-AND SEE HOW CLEAN THEY GET</p>
<p>THROW AWAY DIRTY WATER...</p>	<p>THEN RINSE CLOTHES IN CLEAN WATER</p>	<p>SEE HOW CLEAN AND BRIGHT YOUR CLOTHES ARE WASHED WITH BLUE OMO!</p>

EZ 1087.

**Mi Bilong
Papua
New Guinea**

Long namba wan de long dispela mun namba wan gavman Mr. Johnson i orait long nupela plak, nupela nem na mak bilong kantri bilong yumi Papua New Guinea. Dispela nupela plak, nating sampe-la man i lukim pinis, wanpela meri bilong Yule Island i bin wokim. Dispela plak i smat moa na yumi olgeta man i amamas long en. Bilong wanem? Yumi gat plak pinis bilong kantri bilong yumi. Na mak bilong kantri em i wanpela kumul na nem bilong kantri em Papua New Guinea.

Ol dispela samting gavman i tok pinis long en na i no gat tok moa long en. Yumi wan kan-



tri, orait yumi mas i gat wanpela plak wanpela mak, na wanpela nem. Tasol sapos yumi laik kamap wanpela kantri tru i no inap yumi putim wanpela plak na mak na nem long kantri. Wanpela bikpela samting tru gavman i no inap senisim em i tingting bilong yumi ol wan wan man. I olsem: planti taim mi harim ol man i toktok olsem, "Mi man bilong Sepik, watpo mi mas helpim ol Chimbu? O, "Mi Tolai, watpo gavman i westim bikpela mani long Buka na i no save helpim mipela?" O, "Mi man bilong Papua na mi no ken sindaun wantaim ol New Guinea na wokim wanpela kantri, nogut bihain ol

i bosim mipela'." O, arapela kain tok olsem, "Yupela wet, bihain long taim bilong independens mipela ol Buka bai wokim wanpela kantri bilong mipela stret. Mipela no laik wok wantaim ol arapela man bilong New Guinea."

Dispela kain tok i kamap moa moa na long dispela taim. Dispela tok i no kamap long maus bilong wanpela man tasol. Nogat. Mi harim planti man i save tok olsem. Tasol, sapos yumi ol man bilong Papua New Guinea i tingting olsem, olsem wanem long kantri bilong yumi? Inap kantri bilong yumi i sanap strong na go het? Mi ting i no inap. Ol dispela kain tingting na dispela kain tok i mas pinis pastaim. Sapos yumi tingting olsem, "Yumi wan pipel, yumi wan kantri."

Orait, sapos wanpela bisnis, o rot, o skul, o haus sik i kamap long wanpela distrik dispela

skul, o rot, o bisnis i no bilong helpim distrik tasol. Em i bilong helpim kantri bilong yumi Papua New Guinea. O sapos wanpela trabel i kamap long wanpela distrik, dispela trabel i no bilong dispela distrik tasol. Em i bilong Papua New Guinea na yumi olgeta man i mas wok long stretim dispela trabel. Yumi tingting olsem orait kantri bilong yumi i ken go het.

Olsem, i gutpela tru yumi kisim wanpela nem, wanpela plak na wanpela mak bilong Kantri bilong yumi. Tasol dispela nem, na mak, na plak i no inap helpim kantri bilong yumi go het. Namba wan samting yumi planti man i mas senisim tingting bilong yumi na yumi no ken tok olsem: "Mi Sepik, mi Papua, mi Tolai, mi Chimbu." Nogat. Mobeta yumi olgeta i tok, "Mi man bilong Papua New Guinea." Mi no bilong arapela hap mi bilong Papua New Guinea tasol.'

**Olgeta tok
i stap long dispela niuspepa
ol i bin paitim pastaim
long wanpela masin bilong rait,
nem bilong em . . .**

Olympia

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557.

RABAU
P.O. Box 222

MT HAGEN
P.O. Box 237.

WEWAK
P.O. Box 178.

KIETA
P.O. Box 72.

Kaunsil Nius

Kieta


Mista Raphael Niniku, presiden bilong Kieta Lokal Gavman Kaunsil, i bin stretim wangepela tok namel long ol Nasioi pipel. Ol pipel hia i pret sapos ol i baim sampela sea long Bougainville Mining Kampani, bihain kampani i ken kisim graun bilong ol. Kaunsila Niniku i tok, em i no tru. Ol i no inap tru.

Kaunsila Niniku, i skulim ol man hia, em i gutpela samting tru long baim sea long dispela kampani. Bai ol pipel yet i ken kisim win manina ol yet i papa tru bilong wangepela liklik hap bilong kampani.

Nau ol i gat 250 memba long dispela senta.

Bishop van Lieshout i tok dispela senta i bilong olgeta yangpela pipel na ol sumatin.

Long de ol i opim dispela senta, planti string ben i resis na planti lain singsing tu.



Rabaul

Presiden bilong Gazelle Kaunsil, Mista Josia Towartovo, i askim ol Tolai pipel long sindaun gut na bihainim gut tok bilong lo. Ol i no ken kirap pait wantaim ol plisman.

Em i tok olsem: Ol tumbuna bilong yumi i tumbuna nogut long wanem ol i pret oltaim long ol birua. Lo na plisman yet i bin helpim yumi long dispela taim bipo. Nau yumi mas helpim ol yet.

Mista Towartovo i hepi tu bikpela kot i mekim save long ol sampela man i no laik tromoim takis i go long Gazelle Kaunsil. Em i tok ol i ken save lo na kot i bihainim kaunsil tasol.



Wabag

Wabag Kaunsil hia i tok em i laik tekewe ol dispela hap graun olgeta lain man i save pait oltaim long kisim. Kuskus bilong kaunsil, Mista Simon Are, i tok sapos kaunsil inap long tekewe dispela graun, bai em i mekim wok bisnis long en o salim long arapela man. Bai kaunsil inap kisim moa mani bilong wokim ol rot na bris na et pos na skul samting.

Tasol loman bilong gavman, Mista P.J. Clay, i tokim ol kaunsila, em i ting kaunsil i no gat

strong long tekewe graun bilong wangepela man. Nogut ol i go het hariap mekim samting olsem na bai ol yet i gat kot.




Asaro-Watabung

Dispela kaunsil oltaim i lusim planti mani long wok long ol rot bilong ol. Tasol em tu i save kotim man i no lukautim gut hap rot ol i bin makim long em pinis. Wangepela wangepela man long hap bilong ol i gat hap bilong fiksim.

Kaunsil i gat wangepela lain pik bilong en stret. Ol i makim wangepela de bilong ol man i ken baim wangepela draipe-la pik man. Bai ol man i resis long baim. Man i

winim ol arapela man na i tromoim bikpela pe, em bai kisim dispela pik man.

Kaunsil hia i bigin long raun nabaut bilong kisim takis bilong ol man. Namba wan ol i go long ol ples bilong Koroipa.



KLASIFAIT

PABLIK NOTIS

BUK PREA. Yu laikim buk long beten long nait? Salim pas long Booklet, Box 1096, Boroko. Kisim nating.

Wantok Publications
P.O. Box 298, Wewak, i wokim, na Wirui Pres long Wewak i prinim.

Kerema

Mista Tom Korea, em i memba bilong Haus Asembli, em yet ol i bin makin presiden bilong Kerema Lokal Gavman Kaunsil.

Ol i ilektim 16 nupela kaunsila; wangepela em i Mista Mau Ilava i save wok long Redio Kerema.

Lae

Mista Boyamo Sali, presiden bilong Lae Taun Kaunsil, i opim wangepela bikpela Yut Senta, i olsem wangepela bikpela haus kibung bilong ol yangpela manmeri.

Dispela senta ol kato-lik yet i wokim na ol i lusim \$35,000. Tasol olgeta manmeri bilong ol kain lotu i ken kam yusim dispela bikpela haus. Hia ol i ken kisim save, mekim olkain kibung, danis, pilai spot.

MODERN CANE FURNITURE - PANGAL WOVEN BLINDS

SEE


MANAGER NATIVE CANE INDUSTRY, PES AITAPE, WSD

Native Cane Industry i wokim kain kain sia na tebol na pangal blind bilong rum insait



CHAIRS:-bar stool with cushion, dining chair, small arm chair (can be stacked for transport) one cane easy chair, two cane easy chair, high backed arm chair (can be stacked for transport).

TABLES:-Little coffee table, 30"round table.



Sapos yu laik kisim niuspepa WANTOK yu mas salim dispela hap niuspepa i kam bek wantaim \$4 (foa dola).
 Adres bilong mipela em hia:
 WANTOK PUBLICATIONS INC.,
 P.O. BOX 298, WEWAK.

NEM BILONG YU HIA:

ADRES BILONG YU HIA:

FOA DOLA

sapos yu salim \$4 (foa dola)
 bai mipela i salim WANTOK
 long yu inap long

WAN YIA

Sori, mipela i mas apim prais bikos ol i apim prais bilong salim ol pas.

6-pela taim.....1.00
 12-pela taim.....2.00

18 taim.....3.00
 24 taim.....4.00



FOA MANI LONG WOKMAN

Asebli i bin orait long ol 1000 wokman bilong lain i mas salim moa pe. Long yia 1971 ol i kisim \$11.80 long fotnait pos ol i wok mani stret. Bihain i pe i go antap moa yet.

Tu ol man o ofisa i pinisim long gavman i mas kisim moa malolo o pe lip. Man i mas get krismas o wok wantaim gavman ap 35 yia bilong kisim pe lip.

Gavman tu i strong ol bisnisman mas skulim moa Niuginian long masin bilong ranim bisnis na kiapim bisnis bilong ol yet.

Sta Tona Kepene, ministerial memba long bosim ol wok, i toktok wantaim mipela wokman long ti faktori long djip long Hailens

Sta Nasson Paulias, hetman bilong yeta skul long Is Sepik Distrik, i givim sertifikat long tias Michael neke bilong Aitape.



19,841 Pinisim
 Standat 6

Pop i Kam
 Lukim

